



## **KOMUNIKADO PA PRENSA**

*Fecha*

29/09/2016

*Accountmanager di Komunikashon*

Jhanirha Da Costa Gomez

*Email*

[jhanirha.anita@gobiernu.cw](mailto:jhanirha.anita@gobiernu.cw)

**VVRP ta limpiando roi i ‘duiker’ nan i preparando pa eventual kalamidat.**

**Willemstad** - Servisio pa Obra Públiko, komo parti di Ministerio di Tráfiko, Transporte i Planifikashon Urbano (VVRP), ta limpiando roi, i ‘duikers’ nan rònt Kòrsou aktualmente. Minister Camelia-Römer a duna e enkargo for di mei di e aña aki pa limpia tur roi i a pidi pa intensifiká e trabounan e siman aki.

E roinan i ‘duikers’ nan ku ta limpiando òf a limpia kaba ta Koraal Specht, Dominguito, Saliña, Groot Davelaar, Zuikertuintje, Brievengat na Andres Belloweg, Maridol, Muizenberg, Monte Carmelo, Kanga, Dein, Jan Thiel, Janwe, Oude Water, Montaña Rey, Choloma, Rooi Santu, Janboos, Montaña Abou, Pannekoek, Soto, i Popo Rojer.

Suidadanonan ku tuma nota di roi òf ‘duiker’ sushi por yama na number di telefon 669-3374. Tambe por manda un whats app of un sms.

Nota importante ta ku vegetashon, manera mata i palunan, ku tin plantá den e roi no ta sushi. Esaki ta netamente yuda pa e fluho awa di kore mas poko-poko i wanta e sushi ku por blokia e ‘duiker’nan. Esaki ta pa evitá ku e awa di áwaseru ta yega e damnan muchu lihé i krea mas inundashon.

Minister Camelia-Römer huntu ku henter su Ministerio ta trahando riba tur medidanan urgente preventivo pa un eventual kalamidat.